

四庫全書

集部

欽定四庫全書

御定全唐詩錄卷二十六

杜甫

三

水閣朝霽奉簡嚴雲安

東城抱春岑江閣鄰石面崔嵬晨雲白朝旭射芳甸雨
檻卧花叢風床展書卷鈎簾宿鶩起丸藥流鶩轉呼婢
取酒壺續免誦文選晚交嚴明府矧此數相見

三韻三篇選一

首

高馬勿捶面長魚無損鱗辱馬馬毛焦困魚魚有神君
看磊落士不肯易其身

貽華陽柳少府

繫馬喬木間問人野寺門柳侯披衣笑見我顏色溫並
坐石下堂俛視大江奔火雲洗月露絕壁上朝暾自非
曉相訪觸熱生病根南方六七月出入異中原老少多
渴死汗踰水漿翻俊才得之子筋力不辭煩指揮當世

事語及戎馬存涕淚濺我裳悲氣排帝闈鬱陶抱長策
義仗知者論吾衰卧江漢但媿識輿璠文章一小技於
道未為尊起予幸斑白因是託子孫俱客古信州結廬
依毀垣相去四五里徑微山葉繁時危挹佳士況免軍
旅喧醉從趙女舞歌鼓秦人盆子壯顧我傷我驩無淚
痕餘生如過鳥故里今空村

殿中楊監見示張旭草書圖

斯人已云亡草聖秘難得及茲煩見示滿目一淒惻悲

風生微綃萬里起古色鏘鏘鳴玉動落落羣松直連山
蟠其間溟漲與筆力有練實先書臨池真盡墨俊拔為
之主暮年思轉極未知張王後誰並百代則嗚呼東吳
精逸氣感清識楊公拂篋笥舒卷忘寢食念昔揮毫端
不獨觀酒德

課伐木并序

課餘人伯夷辛秀信行等入谷斬陰木人日四
根止維條伊枚正直挺然晨征暮返委積庭內

我有藩籬是缺是補載伐篠蕩伊仗支持則旅

次于

一本無于字

小安山有虎知禁若恃爪牙之利

必昏黑檼突夔人屋壁列樹白菊鑊為牆實以

竹示式遏為與虎近混淪乎無良賓客憂害馬

之徒苟活為幸可嘿息已作詩示宗武誦

長夏無所為客居課奴僕清晨飯其腹持斧入白谷青

冥曾巔後十里斬陰木人肩四根已亭午下山麓尚聞

丁丁聲功課日各足蒼皮成委積素節相照燭藉汝跨

小籬當仗苦虛竹空荒咤熊羆乳獸待人肉不示知禁
情豈惟干戈哭城中賢府主處貴如白屋蕭蕭理體淨
蜂蠻不敢毒虎穴連里閭隄防舊風俗泊舟滄江岸久
客慎所觸舍西崖嶠壯雷雨蔚含蓄牆宇資屢修衰年
怯幽獨爾曹輕執熱為我忍煩促秋光近青岑季月當
泛菊報之以微寒共給酒一斛

園人送瓜

江間雖炎瘴瓜熟亦不早栢公鎮夔國滯務茲一掃食

新先戰士共少及溪老傾筐蒲鵠青滿眼顏色好竹竿
接嵌寶引注來鳥道沈浮亂冰玉愛惜如芝草落刃嚼
冰霜開懷慰枯槁許以秋蒂除仍看小童抱東陵跡蕪
絕楚漢休征討園人非故侯種此何草草

信行遠修水筒

汝性不如葷清靜僕夫內秉心識本源於事少滯礙雲
端水筒坼林表山石碎觸熱藉子脩通流與厨會往來
四十里荒險崖谷大日曛驚未餐貌赤媿相對浮瓜供

老病裂餅嘗所愛於斯答恭謹足以殊殿最詎要方士

符何假將軍蓋

一作佩

行諸直如筆用意崎嶇外

高麗刻草堂詩

作佩注引李貳師拔刀刺山而泉飛佩字較蓋字為穩宜從之

槐葉冷淘

青青高槐葉采掇付中厨新麪來近市汁淳宛相俱入
鼎資過熟加餐愁欲無碧鮮俱照筋香飯兼苞蘆經齒
冷於雪勸人投比珠願隨金驥裏走置錦屠蘇路遠思
恐泥興深終不渝獻芹則小小薦藻明區區萬里露寒

殿開冰清玉壺君王納涼晚此味亦時須

行官張望補稻畦水歸

東屯大江北百頃平若案六月青稻多千畦碧泉亂插秧適云已引溜加溉灌更僕往方塘決渠當斷岸公私各地著浸潤無天旱主守問家臣分明見溪畔羊羊炯翠羽剗剗生銀漢鷗鳥鏡裏來關山雪邊看秋菰成黑米精鑿傳白粲玉粒足晨炊紅鮮任霞散終然添旅食作苦期壯觀遺穂及衆多我倉戒滋蔓

催宗文樹雞柵

吾衰怯行邁旅次展崩迫愈風傳烏雞秋卵方漫喫自春生成者隨母向百翮驅趕制不禁喧呼山腰宅課奴殺青竹終日憎赤幘踏藉盤案翻塞蹊使之隔牆東有隙地可以樹高柵避熱時來歸問兒所爲跡織籠曹其內令人不得擲稀間可突過觜爪還汚席我寬蠻蟻遭彼免狐貉厄應宜各長幼自此均勍敵籠柵念有修近身見損益明明領處分一一當剖析不昧風雨晨亂離

減憂感其流則凡鳥其氣心匪石倚賴窮歲晏撥煩去
冰釋未似尸鄉翁拘留蓋阡陌

園官送菜并序

園官送菜把本數日闕矧苦苣馬齒掩乎嘉蔬
傷小人妬害君子菜不足道也比而作詩

清晨蒙菜把常荷地主恩守者愆實數略有其名存苦
苣刺如針馬齒葉亦繁青青嘉蔬色埋沒在中園園吏
未足怪世事固堪論嗚呼戰伐久荆棘暗長原乃知苦

苜輩傾奪蕙草根小人塞道路為態何喧喧又如馬齒
盛氣擁葵荏昏點染不易虞絲麻雜羅紈一經器物內
永挂麤刺痕志士採紫芝放歌避戎軒畦丁負籠至感
動百慮端

驅豎子摘蒼耳

江上秋已分林中瘴猶劇畦丁告勞苦無以供日夕蓬
莠獨不焦野蔬暗泉石卷耳況療風童兒且時摘侵星
驅之去爛漫任遠適放筐亭午際洗剝相蒙幕登牀半

生熟下筋還小益加點瓜薤間依稀橘奴跡亂世誅求
急黎民糠粃窄飽食復何心荒哉膏粱客富家厨肉臭
戰地骸骨白寄語惡少年黃金且休擲

雨

峽雲行清曉煙霧相徘徊風吹蒼江樹雨灑石壁來淒
淒生餘寒殷殷無出雷白谷變氣候朱炎安在哉高鳥
濕不下居人門未開楚宮久已滅幽珮爲誰哀侍臣書
王夢賦有冠古才冥冥翠龍駕多自巫山臺

卷二十一
又上後園山脚

昔我遊山東憶戲東嶽陽窮秋立日觀矯首望八荒朱崖著毫髮碧海吹衣裳蓐收困用事玄冥蔚強梁逝水自朝宗鎮名各其方平原獨憔悴農力廢耕桑非關風露凋曾是戍役傷於時國用富足以守邊疆朝廷任猛將遠奪戎馬場到今事反覆故老淚萬行龜蒙不復見况乃懷舊鄉肺萎屬久戰骨出熱中腸憂來杖匣劍更上林北岡瘴毒猿鳥落峽乾南日黃秋風亦已起江漢

始如湯登高欲有往蕩析川無梁哀彼遠征人去家死
路曷不及祖父塋纍纍塚相當

雨

空山中宵陰微冷先枕席迴風起清曙萬象淒已碧落
落出岫雲渾渾倚天石日假何道行雨含長江白連牆
荊州船有士荷矛戟南防草鎮慘霑濕赴遠役羣盜下
辟山總戎備強敵水深雲光廓鳴櫓各有適漁艇息悠悠
悠々歌負樵客留滯一老翁書時記朝夕

甘林

捨舟越西岡入林解我衣青芻適馬性好鳥知人歸晨
光映遠岫夕露見日晞遲暮少寢食清曠喜荆扉經過
倦俗態在野無所違試問甘藜藿未肯羨輕肥喧靜不
同科出處各天機勿矜朱門是陋此白屋非明朝步鄰
里長老可以依時充賦斂數脫粟為爾揮相攜行荳田
秋花靄菲菲子實不得喫貨市送王畿盡添軍旅用迫
此公家威主人長跪問戎馬何時稀我衰易悲傷屈指

數賊圍勸其死王命慎莫遠奮飛

種萬苣并序

既雨已秋堂下理小畦隔種一兩席許萬苣向
二旬矣而苣不甲坼伊人覓青青傷時君子或
晚得微祿輒輒不進因作此詩

陰陽一錯亂驕蹇不復理枯旱於其中炎方慘如燬植
物半蹉跎嘉生將已矣雲雷歛奔命師伯集所使指麾
赤白日湧洞青光起雨聲先已風散足盡西靡山泉落

滄江霹靂猶在耳終朝紆颯沓信宿罷瀟灑堂下可以
畦呼童對經始苣兮蔬之常隨事蓺其子破塊數席間
荷鋤功易止兩旬不甲坼空惜埋泥滓野覓迷汝來宗
生實於此此輩豈無秋亦蒙寒露委翻然出地速滋蔓
戶庭毀因知邪干正掩抑至沒齒賢良雖得祿守道不
封已擁塞敗芝蘭衆多盛荆杞中園陷蕭艾老圃永為
恥登於白玉盤藉以如霞綺覓也無所施胡顧入筐篚

暇日小園散病將種秋菜督勒耕牛無書觸目

不愛入州府畏人嫌我真及乎歸茅宇芻舍未曾嗔老
病忌拘束應接喪精神江村意自放林木心所欣秋耕
屬地濕山雨近甚勻冬菁飯之半牛力晚來新深耕種
數畝未甚後四隣嘉蔬既不一名數頗具陳荆巫非苦
寒採擷接青春飛來兩白鶴暮啄泥中芹雄者左翮垂
損傷已露筋一步再流血尚驚矰繳勤三步六號叫志
屈悲哀頻鸞鳳不相待側頸訴高旻杖藜俯沙渚為汝

鼻酸辛

八哀詩并序

傷時盜賊未息興起王公李公歎舊懷賢終於
張相國八公前後存沒遂不詮次焉

贈司空王公思禮人

高麗

司空出東夸童稚刷勁翮追隨燕薊兒穎銳物不隔服
事哥舒翰意無流沙磧未甚拔行間犬戎大充斥短小
精悍姿屹然強冠敵貫穿百萬衆出入由咫尺馬鞍懸
將首甲外控鳴鏑洗劍青海水刻銘天山石九曲非外

蕃其王轉深壁飛兔不近駕驚鳥資遠擊曉達兵家流
飽聞春秋癖胷襟日沈靜肅肅自有適潼關初潰散萬
乘猶辟易偏裨無所施元帥見手格太子入朔方至尊
狩梁益胡馬纏伊洛中原氣甚逆肅宗登寶位塞望勢
敦迫公時徒步至請罪將厚責際會清河公間道傳玉
冊清河公房琯也時自蜀奉太上皇冊命至諫上以為可收後効遂釋之 天王拜跪卑謙
議果水釋翠華卷飛雪熊虎亘阡陌屯兵鳳凰山帳殿
涇渭闢金城賊咽喉詔鎮雄所檟禁暴清無雙爽氣春

漸瀝巷有從公歌野多青青麥及夫哭廟後復領太原
役恐懼祿位高悵望王土窄不得見清時嗚呼就窀穸
永繫五湖舟悲甚田橫客千秋汾晉間事與雲水白昔

觀文苑傳豈述廉簡績嗟嗟鄧大夫士卒終倒戟

鄧景山為

太原尹為軍衆所殺

故司徒李公光弼

司徒天寶末北收晉陽甲騎騎攻吾城愁寂意不愜人
安若泰山薊北斷右臂朔方氣乃蘇黎首見帝業二宮

泣西郊九廟起頽壓未散河陽卒思明偽臣妾復自碣
石來火焚乾坤獵高視笑祿山公又大獻捷異王冊崇
勲小敵信所怯擁兵鎮河汴千里初妥帖青蠅紛營營
風雨秋一葉內省未入朝死淚終映睫大屋去高棟長
城掃遺堞平生白羽扇零落蛟龍匣雅望與英姿惻愴
槐里接三軍晦光彩烈士痛稠疊直筆在史臣將來洗
箱篋吾思哭孤冢南紀阻歸楫扶顛永蕭條未濟失利
涉疲羸竟何人灑涕巴東峽

贈左僕射鄭國公嚴公武

鄭公瑚璉器華岳，金天晶昔在童子日。已聞老成名，巍然大賢後。復見秀骨清，開口取將相。小心事友生，閱書百紙盡。落筆四座驚，歷職匪任嫉。邪常力爭漢儀尚，整肅賊騎忽縱橫。飛傳自河隴，逢人問公卿。不知萬乘出，雪涕風悲鳴。受詞劍閣道，謁帝蕭關城。寂寞雲臺仗，飄颻沙塞旌。江山少使者，笳鼓凝皇情。壯士血相視，忠臣氣不平。密論貞觀體，揮發岐陽征。感激動四極，聯翩

收二京西郊牛酒再原廟丹青明匡汲俄寵辱衛霍竟
哀榮四登會府地三掌華陽兵京兆空柳色尚書無履
聲羣鳥自朝夕白馬休橫行諸葛蜀人愛丈翁儒化成
公來雪山重公去雪山輕記室得何遜韜鈴延子荆四
郊失璧壘虛館開逢迎堂上指圖畫軍中吹玉笙豈無
成都酒憂國只細傾時觀錦水釣問俗終相并意待犬
戎滅人藏紅粟盈以茲報主願庶或裨世程炯炯一心
在沈沈二堅嬰顏回竟短折賈誼徒忠貞飛旐出江漢

孤舟轉荆衡虛無馬融笛悵望龍驤空餘老賓客身
上愧簪纓

贈太子太師汝陽郡王璡

汝陽讓帝子眉宇真天人虬鬚似太宗色映塞外春往
者開元中主恩視遇頻出入獨非時禮異見羣臣愛其
謹潔極倍此骨肉親從容聽朝後或在風雪晨忽思格
猛獸苑囿騰清塵羽旗動若一萬馬肅駕駢詔王來射
雁拜命已挺身箭出飛鞍內上又回翠麟翻然紫塞翮

下拂明月輪胡人雖獲多天笑不為新王每中一物手
自與金銀衷中諫獵書扣馬久上陳竟無銜槧虞聖聰
矧多仁官免供給費水有在藻鱗匪唯帝老大皆是王
忠勤晚年務置醴門引申白賓道大容無能永懷侍芳
茵好學尚貞烈義形必靄巾揮翰綺繡揚篇什若有神
川廣不可泝墓久孤兔鄰宛彼漢中郡王弟漢中王璠文雅見
天倫何以開我悲泛舟俱遠津溫溫昔風味少壯已書
紳舊遊易磨滅衰謝增酸辛

贈秘書監江夏李公邕

長嘯宇宙間高才日陵替古人不可見前輩復誰繼憶
昔李公存詞林有根柢聲華當健筆灑落富清製風流
散金石追琢山岳銳情窮造化理學貫天人際干謁走
其門碑版照四裔各滿深望還森然起凡例蕭蕭白楊
路洞徹寶珠惠龍宮塔廟湧浩劫浮雲衛宗儒俎豆事
故吏去思計昞昧已皆虛跋涉曾不泥向來映當時豈
獨勸後世豐屋珊瑚鈞騏鱗織成羈紫駟隨劍几義取

無虛歲分宅脫驂間感激懷未濟衆歸賙給美櫳落多
藏穢獨步四十年風聽九臯唳嗚呼江夏姿竟掩宣尼
袂往者武后朝引用多寵嬖否臧太常議面折二張勢
衰俗凜生風排蕩秋旻霽忠貞負冤恨宮闈深旒綬放
逐年聯翩低垂困炎厲日斜鵬鳥入魂斷蒼梧帝榮枯
走不暇星駕無安稅幾分漢廷竹鳳擁文侯篤終悲洛
陽獄事近小臣斃禍階初負謗易力何深躋伊肯臨淄
亭酒酣托末契重叙東都別朝陰改軒砌論文到崔蘇

指盡流水逝近伏盈川雄未甘特進麗是非張相國相
扼一危脆爭名古豈然鍵捷歛不閑例及吾家詩曠懷
掃氛翳慷慨嗣真作咨嗟玉山桂鍾律儼高懸鯢鯨噴
追遙坡陁青州血蕪沒汶陽瘞哀贈竟蕭條恩波延揭
厲子孫存如綫舊客舟凝滯君臣尚論兵將帥接燕薊
朗咏六公篇憂來豁蒙蔽

故秘書少監武功蘇公源明

武功少也孤徒步客徐兗讀書東岳中十載考墳典時

下菜蕪郭忍饑浮雲巘負米晚為身每食臉必泣夜字
照爇薪垢衣生碧蘚庶以勤苦志報茲劬勞願學蔚醇
儒姿文包舊史善灑落辭幽人歸來潛京輦射君東堂
策宗匠集精選制可題未乾乙科已大闡文章日自負
吏祿亦累踐晨趨闈闔內足踏宿昔趼一麾出守還黃
屋朔風卷不暇陪八駿鹵庭悲所遣平生滿樽酒斷此
朋知展憂憤病二秋有恨石可轉肅宗復社稷得無逆
順辨范奕顧其兒李斯憶黃犬秘書茂松色屢扈祠壇

蟬前後百卷文枕藉皆禁鸞篆刻揚雄流溟漲本末淺
青熒芙蓉劍犀兕豈獨剝反為後輩襪予實苦懷緬煌
煌齋房芝事絕萬手寥垂之俟來者正始徵勸勉不要
懸黃金胡為投乳贊結交三十載吾與誰游衍滎陽復
冥冥罪罟已橫胥嗚呼子逝日始泰則終塞長安米萬
錢凋喪盡餘喘戰伐何當解歸帆阻清沔尚纏漳水疾
永負萬里餞

故著作郎貶台州司戶榮陽鄭公虔

鶴鷗至魯門不識鐘鼓饗孔翠望赤霄愁思雕籠養榮
陽冠衆儒早聞名公賞地崇士大夫況乃氣精爽往者

疾蘇許公

題位尊望

重素未相識

早愛才

公在

在

在

名躬自哀問後結忘年之契遠邇嘉之天然生知姿

學立游夏上神農極闕漏黃石愧師長藥纂西極名兵

流指諸掌外又有胡本草七卷貫穿無遺恨蒼蠺何技

癢圭臬星經奧蟲篆丹青廣子雲窺未遍方朔諧太枉

神翰顧不一體變鍾無兩文傳天下口大字猶在牋昔

獻書畫圖新詩亦俱往滄洲動玉陛宣鶴誤一響三絕

自御題四方尤所仰嗜酒益疎放彈琴視天壤形骸實
土木親近唯几杖未曾寄官曹突兀倚書幌晚就芸香
閣邊塵昏埃莽反覆歸聖朝點染無滌盪老蒙台州掾
泛泛淛江槧履穿四明雪饑拾楮溪橡空聞紫芝歌不
見杏壇丈天長眺東南秋色餘魍魎別離慘至今斑白
徒懷曩春深泰山秀葉墜清渭朗劇談王侯門野稅林
下鞅操紙終夕酣時物集遐想詞場竟疎闊平昔濫吹
獎百年見存沒牢落吾安放蕭條阮咸在出處同世網

他日訪江樓含悽述飄蕩

著作與今秘書監鄭君審翰齊價謫江陵故有阮咸江

樓之

句

故右僕射相國張公九齡

相國生南紀金璞無留礦仙鶴下人間獨立霜毛整矯然江海思復與雲路永寂寞想土階未遑等箕頰上君白玉堂倚君金華省碣石歲崢嶸天地日蛙鼃退食吟大庭何心記榛梗骨驚畏曩哲鬢變負人境雖蒙換蟬冠右地恧多幸敢忘一疏歸痛迫蘇耽井紫綬映暮年

荊州謝所領庾公興不淺黃霸鎮每靜賓客引調同諷
詠在務屏詩罷地有餘篇終語清省一陽發陰管淑氣
含公鼎乃知君子心用才文章境散帙起翠螭倚薄巫
廬並綺麗元暉擁牋誅任昉騁自我一家則未缺隻字
警千秋滄海南名繫朱鳥影歸老守故林戀闕悄延頸
波濤良史筆蕪絕大庾嶺向時禮數隔制作難上請再
讀徐孺碑猶思理煙艇

寫懷

勞生共乾坤何處異風俗冉冉自趨競行行見羈束無
貴賤不悲無富貧亦足萬古一骸骨鄰家遞歌哭鄙夫
到巫峽三歲如轉燭全命甘留滯忘情任榮辱朝班及
暮齒日給還脫粟編蓬石城東採藥山北谷用心霜雪
間不必條蔓綠非闢故安排曾是順幽獨達士如弦直
小人似鈎曲曲直我不知負暄候樵牧

夜深坐南軒明月照我膝驚風翻河漢梁棟已出日羣
生各一宿飛動自儻兀吾亦驅其兒營營為私實天寒

行旅稀歲暮日月疾榮名忽中人世亂如蟻虱古者三
皇前滿腹志願卑胡為有結繩陷此膠與漆禍首燧人
氏厲階董狐筆君看燈燭張轉使飛蛾密放神八極外
俯仰俱蕭瑟終契如往還得匪合仙術

昔遊

昔者與高李適晚登單父臺寒蕪際碣石萬里風雲來
桑柘葉如雨飛藿去徘徊清霜大澤凍禽獸有餘哀是
時倉廩實洞達寰區開猛士思滅胡將帥望三台君王

無所惜駕馭英雄材幽燕盛用武供給亦勞哉吳門轉
粟帛泛海陵蓬萊肉食三十萬獵射起黃埃隔河憶長
眺青歲已摧頽不及少年日無復故人盃賦詩獨流涕
亂世想賢才有能市駿骨莫恨少龍媒商山議得失蜀
主脫嫌猜呂尚封國邑傳說已鹽梅景晏楚山深水鶴
去低回龐公任本性攜子卧蒼苔

壯遊

往昔十四五出遊翰墨場斯文崔魏徒

崔鄭州尚魏豫州啟心

以

我似班揚七齡思即壯開口詠鳳凰九齡書大字有作
成一囊性豪業嗜酒嫉惡懷剛腸脫略小時輩結交皆
老蒼飲酣視八極俗物都茫茫東下姑蘇臺已具浮海
航到今有遺恨不得窮扶桑王謝風流遠闔廬丘墓荒
劍池石壁仄長洲荷芰香嵯峨閭門北清廟映迴塘每
趨吳太伯撫事淚浪浪枕戈憶勾踐渡浙想秦皇蒸魚
聞匕首除道哂要章越女天下白鑑湖五月涼剡溪蘊
秀異欲罷不能忘歸帆拂天姥中歲貢舊鄉氣廟屈賈

壘目短曹劉牆忤下考功第獨辭京尹堂放蕩齊趙間
裘馬頗清狂春歌叢臺上冬獵青丘旁呼鷹阜櫪林逐

獸雲雪岡射飛曾縱鞬引臂落鵠鷁蘇侯據鞍喜

監門胄曹

蘇預忽如攜葛疆快意八九年西歸到咸陽許與必詞伯

賞遊實賢王曳裾置醴地奏賦入明光天子廢食召羣

公會軒裳脫身無所愛痛飲信行藏黑貂不免弊斑鬢

兀稱觴杜曲晚耆舊四郊多白楊坐深鄉黨敬日覺死

生忙朱門任傾奪赤族迷罹殃國馬竭粟豆官雞輸稻

梁舉隅見煩費引古惜興亡河朔風塵起岷山行幸長
兩宮各警蹕萬里遙相望崆峒殺氣黑少海旌旗黃禹
功亦命子涿鹿親戎行翠華擁吳岳螭虎噉豺狼爪牙
一不中戎兵更陸梁大軍載草草凋瘵滿膏肓備貞竊
補袞憂憤心飛揚上感九廟焚下憫萬民瘡斯時伏青
蒲廷爭守御床君辱敢愛死赫怒幸無傷聖哲體仁恕
宇縣復小康哭廟灰燼中鼻酸朝未央小臣議論絕老
病客殊方鬱鬱苦不展羽翮困低昂秋風動哀壑碧蕙

捐微芳之推避賞從漁父濯滄浪榮華敵勲業歲暮有
嚴霜吾觀鷗夷子才格出尋常羣凶逆未定側佇英俊

翔

遺懷

昔我遊宋中惟梁孝王都名今陳留亞劇則貝魏俱邑
中九萬家高棟照通衢舟車半天下主客多歡娛白刃
讐不義黃金傾有無殺人紅塵裏報答在斯須憶與高
李輩適論交入酒壚兩公壯藻思得我色敷腴氣酣登

吹臺懷古視平蕪芒碭雲一去雁驚空相呼先帝正好
武寰海未凋枯猛將收西域長戟破林胡百萬攻一城
獻捷不云輸組練棄如泥尺土負百夫拓境功未已元
和辭大爐亂離朋友盡合沓歲月徂吾衰將焉托存沒
再嗚呼蕭條益堪愧獨在天一隅乘黃已去矣凡馬徒
區區不復見顏鮑繫舟卧荆巫臨殮吐更食常恐違撫
孤

同元使君春陵行并序

覽道州元使君結春陵行無賊退後示官吏作
二首志之曰當天子分憂之地效漢官良吏之
目今盜賊未息知民疾苦得結輦十數公落落
然參錯天下為邦伯萬物吐氣天下少安可得
矣不意復見比興體制微婉頓挫之詞感而有
詩增諸卷軸簡知我者不必寄元

遭亂髮盡白轉衰病相嬰沈綿盜賊際狼狽江漢行歎
時藥力薄為客羸瘵成吾人詩家秀博采世上名粲粲

元道州前聖畏後生觀乎春陵作歎見俊哲情復覽賦
退篇結也實國楨賈誼昔流慟匡衡常引經道州憂黎
庶詞氣浩縱橫兩章對秋月一字偕華星致君唐虞際
純樸憶大庭何時降璽書用爾為丹青獄訟永衰息豈
惟偃甲兵悽惻念誅求薄斂近休明乃知正人意不苟
飛長纓涼飈振南岳之子寵若驚色阻金印大興含滄
浪清我多長卿病日夕思朝廷肺枯渴太甚漂泊公孫
城呼兒具紙筆隱几臨軒楹作詩呻吟內墨淡字欹傾

感彼危苦詞庶幾知者聽

聽楊氏歌

佳人絕代歌獨立發皓齒滿堂慘不樂響下清虛裏江
城帶素月况乃清夜起老夫悲暮年壯士淚如水玉盃
久寂寞金管迷宮徵勿云聽者疲愚智心盡死古來傑
出士豈待一知己吾聞昔秦青傾側天下耳

別李義

神堯十八子十七王其門道國洎舒國督唯親弟昆中

外貴賤殊余亦忝諸孫丈人嗣三葉之子白玉溫道國
繼德業請從丈人論丈人領宗卿肅穆古制敦先朝納
諫諍直氣橫乾坤子建文筆壯河間經術存爾克富詩
禮骨清慮不喧洗然遇知已談論淮湖奔憶昔初見時
小襦繡芳蓀長成忽會面慰我久疾魂三峽春冬交江
山雲霧昏正宜且聚集恨此當離樽莫怪執盃遲我衰
涕嗟煩重問子何之西上岷江源願子少干謁蜀都足
戎軒誤失將帥意不如親故恩少年早歸來梅花已飛

翻努力慎風水豈惟數盤飧猛虎卧在岸蛟螭出無痕
王子自愛惜老夫困石根生別古所嗟發聲為爾吞

宿青溪驛奉懷張負外十五兄之緒

漾舟千山內日入泊枉渚我生本飄飄今復在何許石
根青楓林猿鳥聚儻侷月明游子靜畏虎不得語中夜
懷友朋乾坤此深阻浩蕩前後間佳期付荆楚

送董表姪王砍評事使南海

我之曾祖姑爾之高祖母爾祖未顯時歸為尚書婦隋

朝大業末房杜俱交友長者來在門荒年自餬口家貧無供給客位但箕箒俄頃羞頗珍寂寥人散後入怪鬢髮空吁嗟為之久自陳剪髻鬟鬻市充盃酒上云天下亂宜與英俊厚向竊窺數公經綸亦俱有次問最少年虬髯十八九子等成大名皆因此人手下云風雲合龍虎一吟吼願展丈夫雄得辭兒女醜秦王時在座真氣驚戶牖及乎貞觀初尚書踐台斗夫人常肩輿上殿稱萬壽六宮師柔順法則化妃后至尊均嫂叔盛事垂不

朽鳳雛無凡毛五色非爾胄往者冠作逆乾坤沸噭噭
吾客左馮翊爾家同遁逃爭奪至徒步塊獨委蓬蒿逗
留熟爾腸十里却呼號自下所騎馬右持腰間刀左牽
紫遊轡飛走使我高苟活到今日寸心銘佩牢亂離又
聚散宿昔恨滔滔水花笑白首春草隨青袍廷評近要
津節制收英髦北驅漢陽傳南泛上瀧舠家聲肯墜地
利器當秋毫番禺親賢領籌運神功操大夫出盧宋寶
貝休脂膏洞主降接武海冠舶千艘我欲就丹砂跋涉

覺身勞安能陷糞土有志乘鯨鼈或驂鸞騰天聊作鶴鳴臯

送顧八分文學適洪吉州

中郎石經後八分蓋憔悴顧侯運鑪錙筆力破餘地昔在開元中韓蔡同頤屬玄宗妙其書是以數子至御札早流傳揄揚非造次三人並入直恩澤各不二顧於韓蔡內辨眼工小字分日示諸王鈞深法更秘文學與我遊蕭疎外聲利追隨二十載浩蕩長安醉高歌卿相宅

文翰飛省寺視我揚馬間白首不相棄驛騎入窮巷必
脫黃金轡一論朋友難遲暮敢失墜古來事反覆相見
橫涕泗嚙者王珂人誰是青雲器才盡傷形體病渴汙
官位故舊獨依然時危詰顛躡我甘多病老子負憂世
志胡為困衣食顏色少稱遂遠作辛苦行順從衆多意
舟楫無根蒂蛟鼈好為祟況蕪水賊繁特戒風颶駛崩
騰戎馬際往往殺長吏子干東諸侯勸勉防縱恣邦以
民為本魚饑費香餌請哀瘡痍深告訴皇華使使臣精

所擇進德知歷試惻隱誅求情固應賢愚異列士惡苟得俊傑思自致贈子猛虎行出郊載酸鼻

上水遣懷

我衰太平時身病戎馬後蹭蹬多拙為安得不皓首驅馳四海內童稚日餬口但遇新少年少逢舊親友低顏下邑地故人知善誘後生血氣豪舉動見老醜窮迫挫曩懷常如中風走一紀出西蜀於今向南斗孤舟亂春華暮齒依蒲柳冥冥九疑葬聖者骨亦朽蹉跎陶唐人

鞭撻日月久中間屈賈輩讒毀竟自取鬱沒二悲魂蕭
條猶在否薺萃清湘石逆行雜林藪篠工密逞巧氣若
酣盃酒歌謳互激遠回幹明受授善知應觸類各籍頴
脫手古來經濟才何事獨罕有蒼蒼衆色晚熊挂玄蛇
吼黃羆在樹顛正為羣虎守羸骸將何適履險顏益厚
庶與達者論吞聲混瑕垢

遭遇

磬折辭主人開帆駕洪濤春水滿南國朱崖雲日高舟

子廢寢食飄風爭所操我行匪利涉謝爾從者勞石間
采蕨女鬻菜輸官曹丈夫死百役暮返空村號聞見事
畧同刻剝及錐刀貴人豈不仁視汝如莠蒿索錢多門
戶喪亂紛嗷嗷奈何黠吏徒漁奪成逋逃自喜遂生理
花時甘縕袍

解憂

減米散同舟路難思共濟向來雲濤盤衆力亦不細呀
坑腎眼過飛櫓本無帶得失瞬息間致遠宜恐泥百慮

視安危分明曩賢計茲理庶可廣拳拳期勿替

宿鑿石浦

早宿賓從勞仲春江山麗飄風過無時舟檝敢不繫回塘澹暮色日沒衆星嚮闕月殊未生青燈死分翳窮途多俊異亂世少恩惠鄙夫亦放蕩草草頻卒歲斯文憂患餘聖哲垂彖繫

過津口

南岳自茲近湘流東逝深和風引桂楫春日漲雲岑回

首過津口而多楓樹林白魚因密網黃鳥喧嘉音物微
限通塞惻隱仁者心瓮餘不盡酒膝有無聲琴聖賢兩
寂寞眇眇獨開襟

次空靈岸

沄沄逆素浪落落展清眺幸有舟檝遲得盡所歷妙空
靈霞石峻楓枯隱奔峭青春猶無私白日亦偏照可使
營吾居終焉託長嘯毒瘴未足憂兵戈滿邊徼嚮者留
遺恨恥為達人謂迴帆觀賞延佳處領其要

宿花石戍

午辭空靈岑夕得花石戍岸疏開闢水木雜今古樹地
蒸南風盛春熱西日暮四序本平分氣候何迴互茫茫
天造間理亂豈恒數繫舟盤藤輪策杖古樵路罷人不
在村野圃泉自注柴扉雖蕪沒農器尚牢固山東殘逆
氣吳楚守王度誰能扣君門下令減征賦

早發

有求常百慮斯文亦吾病以茲朋故多窮老驅馳併早

行篙師怠席掛風不正昔人戒垂堂今則奚奔命濤翻
黑蛟躍日出黃霧映煩促瘴豈侵頰倚睡未醒僕夫問
盥櫛暮顏覲青鏡隨意簪葛巾仰慚林花盛側聞夜來
冠幸喜囊中淨艱危作遠客干請傷直性薇蕨餓首陽
粟馬資歷聘賤子欲適從疑悞此二柄

次晚洲

參錯雲石稠坡陁風濤壯晚洲適知名秀色固異狀棹
經垂猿把身在度鳥上擺浪散帙妨危沙折花當羈離

暫愉悦羸老反惆悵中原未解兵吾得終疎放

望嶽

南嶽配朱鳥秩禮自百王歛吸領地靈鴻洞半炎方邦
家用祀典在德非馨香巡守何寂寥有虞今則亡洎吾
隘世網行邁越瀟湘渴日絕壁出漾舟清光旁祝融五
峯尊峯峯次低昂紫蓋獨不朝爭長業相望恭聞魏夫
人羣仙夾翹翔有時五峰氣散風如飛霜牽迫限脩途
未暇杖崇岡歸來覲命駕沐浴休玉堂三歎問府主曷

以贊我皇牲璧忍襄俗神其思降祥

蘇大侍御訪江浦賦八韻紀異并序

蘇大侍御渙靜者也旅於江側乃是不交州府之客人事都絕久矣肩輿江浦忽訪老夫舟檝而已茶酒內余請誦近詩宵吟數首才力素壯詞句動人接對明日憶其湧思雷出書篋几杖之外殷殷留金石聲賦八韻記異亦見老夫傾倒於蘇至矣

龐公不浪出蘇氏今有之再聞誦新作突過黃初詩乾
坤幾反覆揚馬宜同時今晨清鏡中勝食齋房芝余髮
喜却變白間生黑絲昨夜舟火滅湘娥簾外悲百靈未
敢散風破寒江遲



御定全唐詩錄卷二十六

欽定四庫全書

御定全唐詩錄卷二十八

集部

詳校官左中允臣王燕緒

主事銜臣徐以坤覆勘

總校官原任中允臣王燕緒

校對官中書臣嵇承志

謄錄監生臣陳瞻燧

欽定四庫全書

御定全唐詩錄卷二十七

杜甫

四

古體詩

四

玄都壇歌寄元逸人

故人昔隱東蒙峰已佩含景蒼精龍故人今居子午谷
獨在陰崖結茅屋屋前太古玄都壇青石漠漠常風寒
子規夜啼山竹裂王母畫下雲旗翻知君此計成長往

芝草琅玕日應長鐵鑠高垂不可攀致身福地何蕭爽

十洲記鍾山在北海地隔弱水之北自生玉芝及神草方丈洲仙家數十萬耕田種芝草課計頃畝如種稻狀

今夕行

今夕何夕歲云徂更長燭明不可孤咸陽客舍一事無
相與博塞為歡娛馮陵大叫呼五白袒跣不肯成梟盧
英雄有時亦如此邂逅豈即非良圖君莫笑劉毅從來
布衣願家無儋石輸百萬

貧交行

翻手作雲覆手雨紛紛輕薄何須數君不見管鮑貧時
交此道今人棄如土

兵車行

車轔轔馬蕭蕭行人弓箭各在腰耶娘妻子走相送塵
埃不見咸陽橋牽衣頓足攔道哭哭聲直上千雲霄道
傍過者問行人行人但云點行頻或從十五北防河便
至四十西營田去時里正與裏頭歸來頭白還戍邊邊
亭流血成海水武皇開邊意未已君不聞漢家山東二

百州千村萬落生荆杞縱有健婦把鋤犁禾生隴畝無東西况復秦兵耐苦戰被驅不異犬與雞長者雖有問役夫敢申恨且如今年冬未休關西卒縣官急索租租稅從何出信知生男惡反是生女好生女猶得嫁比隣生男埋沒隨百草君不見青海頭古來白骨無人收新鬼煩冤舊鬼哭天陰雨濕聲啾啾箋曰天寶十載鮮于仲通討南詔蠻士卒反以捷聞制大募兩京及河南北兵以擊南詔人聞雲南瘴癘士卒未戰而死者十八九莫宵應募國忠遣御史分道捕人連枷送軍所於是行者愁怨父母妻子送之所所在哭聲震野此詩序

南征之苦設為役夫問答之詞君不聞已下言征戍之告海內驛騒不獨南征一役為然故曰役夫敢申恨也且如以下言土著之民亦不堪賦役不獨征人也君不見以下舉青海之故以明征南之必不返也不言南詔而言山東言關西言隴右其詞哀怨而不迫如此曰君不聞君不見有詩人呼祈父之意馬是時國忠方貴盛未敢斥言之雜舉河隴之事錯牙其詞若不為南詔而發者此作者之深意也

高都護驃馬行

安西都護胡青驃聲價歛然來向東此馬臨陣久無敵與人一心成大功功成惠養隨所致飄飄遠自流沙至雄姿未受伏櫪恩猛氣猶思戰場利腕促蹄高如踣鐵

交河幾蹴曾冰裂五花散作雲滿身萬里方看汗流血
長安壯兒不敢騎走過掣電傾城知青絲絡頭爲君老
何由却出橫門道

天育驃騎歌

吾聞天子之馬走千里今之畫圖無乃是是何意態雄
且傑驥尾蕭梢朔風起毛為綠縹兩耳黃眼有紫焰雙
瞳方矯矯龍性合變化卓立天骨森開張伊昔太僕張
景順監牧攻駒閔清峻遂令大奴字天育別養驃子憐

神俊當時四十萬匹馬張公歎其材盡下故獨寫真傳

世人見之座右久更新年多物化空形影嗚呼健步無

由騁如今豈無驥喪與驛騎時無王良伯樂死即休

彥
張

遠古名畫記明皇好大馬御廄至四十萬遂有沛父大
馬命王毛仲為監牧使西域大宛時有來獻詔於此地
置羣牧筋骨行步久而方全調習之能逆異並至骨力
追風毛彩照地不可名狀號木槽馬聖人舒身安神如
據床榻是知
異於古馬也

白絲行

繅絲須長不須白越羅蜀錦金粟尺象床玉手亂殷紅

萬草千花動凝碧已悲素質隨時染裂下鳴機色相射
美人細意熨貼平裁縫滅盡針線跡春天衣着爲君舞
蛺蝶飛來黃鸝語落絮遊絲亦有情隨風照日宜輕舉
香汗輕塵污顏色開新合故置何許君不見才士汲引
難恐懼棄捐忍羈旅

秋雨歎

雨中百草秋爛死階下決明顏色鮮著葉滿枝翠羽蓋
開花無數黃金錢涼風蕭蕭吹汝急恐汝後時難獨立

堂上書生空白頭臨風三嗅馨香泣

蘭風伏雨秋紛紛四海八荒同一雲去馬來牛不復辨
濁涇清渭何當分禾頭生耳黍穗黑農夫田婦無消息
城中斗米換衾綈相許寧論兩相直

長安布衣誰比數反鑠衡門守環堵老夫不出長蓬蒿
稚子無憂走風雨雨聲颼颼催早寒胡鴈翅濕高飛難
秋來未曾見白日泥污后土何時乾

歎庭前甘菊花

庭前甘菊移時晚青蕊重陽不堪摘明日蕭條醉盡醒
殘花爛漫開何益籬邊野外多衆芳采擷細瑣升中堂
念茲空長大枝葉結根失所纏風霜

醉時歌

贈廣文館博士鄭虔

諸公袞袞登臺省廣文先生官獨冷甲第紛紛厭梁肉
廣文先生飯不足先生有道出羲皇先生有才過屈宋
德尊一代常坎軻名垂萬古知何用杜陵野客人更嗤
被褐短窄鬢如絲日糴太倉五升米時赴鄭老同襟期

得錢即相覓沽酒不復疑忘形到爾汝痛飲真吾師
清夜沈沈動春酌燈前細雨簷花落但覺高歌有鬼神焉
知餓死填溝壑相如逸才親滌器子雲識字終投閣先
生早賦歸去來石田茅屋荒蒼苔儒術於我何有哉孔
丘盜跖俱塵埃不須聞此意慘愴生前相遇且銜盃

醉歌行

別從姪勤
落第歸

陸機二十作文賦汝更小年能綴文總角草書又神速
世上兒子徒紛紛驛駘作駒已汗血鶩鳥舉翮連青雲

詞源倒流三峽水筆陣獨掃千人軍只今年纔十六七

射策君門期第一舊穿楊葉真自知暫蹶霜蹄未為失

偶然擢秀非難取會是排風有毛質汝身已見唾成珠

汝伯何由髮如漆春光淡泡

草堂本作潭
泡徒可切

秦東亭渚蒲

芽白水荇青風吹客衣日杲杲樹攬離思花冥冥酒盡

沙頭雙玉瓶衆賓皆醉我獨醒乃知貧賤別更苦吞聲

躑躅涕淚零

送孔巢父謝病歸遊江東兼呈李白

巢父掉頭不肅住東將入海隨煙霧詩卷長留天地間
釣竿欲拂珊瑚樹深山大澤龍蛇遠春寒野陰風景暮
蓬萊織女迴雲車指點虛無是征路自是君身有仙骨
世人那得知其故惜君只欲苦死留富貴何如草頭露
蔡侯靜者意有餘清夜置酒臨前除罷琴惆悵月照席
幾歲寄我空中書南尋禹穴見李白道甫問信今何如

飲中八仙歌

知章騎馬似乘船眼花落井水底眠汝陽三斗始朝天

道逢麴車口流涎恨不移封向酒泉左相日興費萬錢
飲如長鯨吸百川銜盃樂聖稱避賢宗之蕭灑美少年
舉觴白眼望青天皎如玉樹臨風前蘇晉長齋繡佛前
醉中往往愛逃禪李白一斗詩百篇長安市上酒家眠
天子呼來不上船自稱臣是酒中仙張旭三盃草聖傳
脫帽露頂王公前揮毫落紙如雲煙焦遂五斗方卓然
高談雄辯驚四筵

曲江

自斷此生休問天杜曲幸有桑麻田故將移住南山邊
短衣匹馬隨李廣看射猛虎終殘年

麗人行

三月三日天氣新長安水邊多麗人態濃意遠淑且真
肌理細膩骨肉勻繡羅衣裳照暮春盛金孔雀銀麒麟
頭上何所有翠微蜀葉垂鬢屑背後何所見珠壓腰板
穩稱身就中雲幕椒房親賜名大國號與秦紫駕之峯
出翠釜水精之盤行素鱗犀筋厭飫久未下鸞刀縷切

空紛綸黃門飛鞚不動塵御厨絡繹送八珍簫鼓哀吟
感鬼神賓從雜還實要津後來鞍馬何逡巡當軒下馬
入錦茵楊花雪落覆白蘋青鳥飛去銜紅巾炙手可熱
勢絕倫慎莫近前丞相嗔

樂遊園歌

晦日賀蘭楊長
史筵醉中作

樂遊古園翠森蔥煙絲碧草萋萋長公子華筵勢最高
秦川對酒平如掌長生木瓢示真率更調鞍馬狂歡賞
青春波浪芙蓉園白日雷霆夾城仗闇闔晴開詆蕩蕩

曲江翠幕排銀牋拂水低徊舞袖翻緣雲清切歌聲上
却憶年年人醉時只今未醉已先悲數莖白髮那拋得
百罰深盃亦不辭聖朝亦知賤士醜一物自荷皇天慈
此身飲罷無歸處獨立蒼茫自詠詩

渼陂行

岑參兄弟皆好奇攜我遠來遊渼陂天地黯慘忽異色
波濤萬頃堆琉璃琉璃漫汗泛舟入事殊興極憂思集
鼈作鯨吞不復知惡風白浪何嗟及主人錦帆相為開

舟子喜甚無氛埃鳬鷺散亂棹謳發絲管啁啾空翠來
沈竿續蔓深莫測菱葉荷花靜如拭宛在中流渤澥清
下歸無極終南黑半陂以南純浸山動影裏寃冲融間
船舷暝戛雲際寺水面月出藍田關此時驪龍亦吐珠
馮夷擊鼓羣龍趨湘妃漢女出歌舞金支翠旗光有無
咫尺但愁雷雨至蒼茫不曉神靈意少壯幾時奈老何
向來哀樂何其多

沙苑行

君不見左輔白沙如白水繚以周牆百餘里龍媒昔是
渥洼生汗血今稱獻於此苑中驥牝三千匹豐草青青
寒不死食之豪健西域無每歲攻駒冠邊鄙王有虎臣
司苑門入門天廡皆雲屯驃驔一骨獨當御春秋二時
歸至尊至尊內外馬盈億伏櫪在洞空大存逸羣絕足
信殊傑倜儻權奇難具論纍纍追阜藏奔突往往坡陁
縱超越角壯翻同麋鹿遊浮深簸蕩龍鼈窟泉出巨魚
長比人丹砂作尾黃金鱗豈知異物同精氣雖未成龍

亦有神

驄馬行

太常梁卿勅賜馬也
公愛而有之命甫製詩

鄧公馬癖人共知初得花驄大宛種夙昔傳聞思一見
牽來左右神皆竦雄姿逸態何嶠嶭顧影驕嘶自矜寵
隅目青熒夾鏡懸肉駿碨碨連錢動朝來少試華軒下
未覺千金滿高價赤汗微生白雪毛銀鞍却覆香羅帕
卿家舊賜公取之天廡真龍此其亞晝洗須騰涇渭深
晨趨可刷幽并夜吾聞良驥老始成此馬數年人更驚

豈有四蹄疾於鳥不與八駿俱先鳴時俗造次那得致
雲霧晦冥方降精近聞下詔宣都邑宵使騏驥地上行

奉先劉少府新畫山水障歌

堂上不合生楓樹怪底江山起煙霧聞若掃却赤縣圖
乘興遣畫滄洲趣畫師亦無數好手不可遇對此融心
神知君重毫素豈但祁岳與鄭虔筆迹遠過楊契丹得
非玄圃裂無乃瀟湘翻悄然坐我天姥下耳邊已似聞
清猿反思前夜風雨急乃是蒲城鬼神入元氣淋漓障

猶濕真宰上訴天應泣野亭春還雜花遠漁翁暝踏孤
舟立滄浪水深青溟濶欹岸側鳥秋毫末不見湘妃鼓
瑟時至今斑竹臨江活劉侯天機精愛畫入骨髓自有
兩兒郎揮灑亦莫比大兒聰明到能添老樹巔崖裏小
兒心孔開貌得山僧及童子若耶溪雲門寺吾獨胡爲
在泥滓青鞶布襪從此始

悲陳陶

孟冬十郡良家子血作陳陶澤中水野曠天清無戰聲

四萬義軍同日死羣胡歸來血洗箭仍唱胡歌飲都市
都人迴面向北啼日夜更望官軍至

悲青坂

我軍青坂在東門天寒飲馬太白窟黃頭奚兒日向西
數騎彎弓敢馳突山雪河水野蕭颯青是烽煙白人骨
焉得附書與我軍忍待明年莫倉卒

哀江頭

少陵野老吞聲哭春日潛行曲江曲江頭宮殿鎖千門

細柳新蒲爲誰綠憶昔霓旌下南苑苑中萬物生顏色
昭陽殿裏第一人同輦隨君侍君側輦前才人帶弓箭
白馬嚼齧黃金勒翻身向天仰射雲一箭正墜雙飛翼
明眸皓齒今何在血污遊魂歸不得清渭東流劍閣深
去住彼此無消息人生有情淚沾臆江水江花豈終極
黃昏鐵騎塵滿城欲往城南忘南北

哀王孫

長安城頭頭白鳥夜飛延秋門上呼又向人家啄大屋

屋底達官走避胡金鞭斷折九馬死骨肉不待同馳驅
腰下寶玦青珊瑚可憐王孫泣路隅問之不肅道姓名
但道困苦乞為奴已經百日竄荆棘身上無有完肌膚
高帝子孫盡降準龍種自與常人殊豺狼在邑龍在野
王孫善保千金軀不敢長語臨交衢且為王孫立斯須
昨夜東風吹血腥東來橐駝滿舊都朔方健兒好身手
昔何勇銳今何愚竊聞天子已傳位聖德北服南單于
花門勞面請雪恥慎勿出口他人粗哀哉王孫慎勿疎

五陵佳氣無時無

蘇端薛復筵簡薛華醉歌

文章有神交有道端復得之名譽早愛客滿堂盡豪翰
開筵上日思芳草安得健步移遠梅亂插繁花向晴昊
千里猶殘舊冰雪百壺且試開懷抱垂老惡聞戰鼓悲
急觴為緩憂心擣少年努力縱談笑看我形容已枯槁
坐中薛華善醉歌歌辭自作風格老近來海內為長句
汝與山東李白好何劉沈謝力未工才無鮑昭愁絕倒

諸生頗盡新知樂萬事終傷不自保氣酣日落西風來
願吹野水添金盃如澑之酒常快意亦知窮愁安在哉
忽憶雨時秋井塌古人白骨生青苔如何不飲令心哀

偈仄行贈畢曜

偈仄何偈仄我居巷南子巷北可恨隣里間十日不一
見顏色自從官馬送還官行路難行澁如棘我貧無乘
非無足昔者相過今不得實不是愛微軀又非關足無
力徒步翻愁官長怒此心炯炯君應識曉來急雨春風

顛睡美不聞鐘鼓傳東家塞驢許借我泥滑不敢騎朝天已令請急會通籍男兒性命絕可憐焉能終日心拳拳憶君誦詩神凜然辛夷始花亦已落况我與子非壯年街頭酒價常苦貴方外酒徒稀醉眠速宜相就飲一斗恰有三百青銅錢

洗兵馬

中興諸將收山東捷書夜報清晝同河廣傳聞一葦過寇危命在破竹中祇殘鄆城不日得獨任朔方無限功

京師皆騎汗血馬回紇餵肉蒲萄宮已喜皇威清海岱
常思仙仗過崆峒三年笛裏關山月萬國兵前草木風
成王功大心轉小郭相謀深古來少司徒清鑒懸明鏡
尚書氣與秋天晉二三豪俊為時出整頓乾坤濟時了
東走無復憶鱸魚南飛覺有安巢鳥青春復隨冠冕入
紫禁正耐煙花繞鶴禁通宵鳳輦備雞鳴問寢龍樓曉
攀龍附鳳勢莫當天下盡化爲侯王汝等豈知蒙帝力
時來不得誇身強關中既留蕭丞相幕下復用張子房

張公一生江海客身長九尺鬚眉蒼徵起適遇風雲會
扶顛始知籌策良青袍白馬更何有後漢今周喜再昌
寸地尺天皆入貢奇祥異瑞爭來送不知何國致白環
復道諸山得銀甕隱士休歌紫芝曲詞人解撰河清頌
田家望望惜雨乾布穀處處催春種淇上健兒歸莫嬾
城南思婦愁多夢安得壯士挽天河淨洗甲兵長不用

按箋曰洗兵馬刺肅宗也此言殊不然蓋此詩係恢復而作此時肅宗未見失子道安得探其後事而預為識

刺之語乎

病後遇王倚飲贈歌

麟角鳳觜世莫識煎膠續弦奇自見尚看王生抱此懷
在於甫也何由羨且遇王生慰疇昔素知賤子甘貧賤
酷見凍餒不足恥多病沈年苦無健王生怪我顏色惡
答云伏枕艱難徧瘧癘三秋孰可忍寒熱百日相交戰
頭白眼暗坐有胝肉黃皮皺命如綫惟生哀我未平復
爲我力致美肴饌遣人向市賒香粳喚婦出房親自饌
長安冬菹酸且綠金城土酥靜如練兼求畜豕且割鮮

密沽斗酒諧終宴故人情義晚誰似令我手脚輕欲旋
老馬爲駒信不虛當時得意況深眷但使殘年飽喫飯
只願無事常相見

歌

疾風吹塵暗河縣行子隔手不相見湖城城南一開眼
駐馬偶識雲卿面向非劉顥為地主嬾迴鞭轡成高宴
劉侯歎我攜客來置酒張燈促華饌且將欵曲終今夕

休語艱難尚酣戰照室紅爐促曙光紫窗素月垂文練
天開地裂長安陌寒盡春生洛陽殿豈知驅車復同軌
可惜刻漏隨更箭人生會合不可常庭樹雞鳴淚如絛

閩鄉姜七少府設鱠戲贈長歌

姜侯設鱠當嚴冬昨日今日皆天風河凍未漁不易得
鑿冰恐侵河伯宮饔人受魚鮫人手洗魚磨刀魚眼紅
無聲細下飛碎雪有骨已剝筍春葱偏勸腹腴愧年少
軟炊香飯緣老翁落磯何曾白紙濕放筋未覺金盤空

新歡便飽姜侯德清觴異味情屢極東歸貪路自覺難
欲別上馬身無力可憐爲人好心事於我見子真顏色
不恨我衰子貴時悵望且爲今相憶

瘦馬行

東郊瘦馬使我傷骨骼硉兀如堵牆絆之欲動轉欹側
此豈有意仍騰驤細看六印帶官字衆道三軍遺路旁
皮乾剝落雜泥滓毛暗蕭條連雪霜去歲奔波逐餘寇
驛騎不憊不得將士卒多騎內廄馬惆悵恐是病乘黃

當時歷塊誤一蹶委棄非汝能周防見人慘澹若哀訴
失主錯莫無晶光天寒遠放雁爲伴日暮不收烏啄瘞
誰家且養願終惠更試明年春草長

乾元中寓居同谷縣作歌七首

有客有客字子美白頭亂髮垂過耳歲拾橡栗隨徂公
天寒日暮山谷裏中原無書歸不得手脚凍皴皮肉死
嗚呼一歌兮歌已哀悲風爲我從天來

長镵長镵白木柄我生託子以爲命黃精無苗山雪盛

短衣數挽不掩脰此時與子空歸來男呻女吟四壁靜
嗚呼二歌兮歌始放鄰里為我色惆悵

有弟有弟在遠方三人各瘦何人强生別展轉不相見
沙塵暗天道路長東飛駕鷺後鶩安得送我置汝旁
嗚呼三歌兮歌三發汝歸何處收兄骨

有妹有妹在鍾離良人早歿諸孤癡長淮浪高蛟龍怒
十年不見來何時扁舟欲往箭滿眼杳杳南國多旌旗
嗚呼四歌兮歌四奏林猿為我啼清晝

四山多風溪水急寒雨颯颯枯樹濕黃蒿古城雲不開
白狐跳梁黃孤立我生何為在窮谷中夜起坐萬感集
嗚呼五歌兮歌正長魂招不來歸故鄉

南有龍兮在山湫古木龍縱枝相樛木葉黃落龍正蟄
蝮蛇東來水上遊我行怪此安敢出拔劍欲斬且復休
嗚呼六歌兮歌思遲溪壑為我迴春姿

男兒生不成名身已老三年饑走荒山道長安卿相多
少年富貴應須致身早山中儒生舊相識但話宿昔傷

懷抱嗚呼七歌兮悄終曲仰視皇天白日速

石筍行

君不見益州城西門陌上石筍雙高蹲古來相傳是海
眼苔蘚蝕盡波濤痕雨多往往得瑟瑟此事恍惚難明
論恐是昔時卿相墓立石為表今仍存惜哉俗態好蒙
蔽亦如小臣媚至尊政化錯迕失大體坐看傾危受厚
恩嗟爾石筍擅虛名後來未識猶駿奔安得壯士擲天
外使人不疑見本根

石犀行

君不見秦時蜀太守刻石立作三犀牛自古雖有厭勝法天生江水向東流蜀人矜誇一千載泛溢不近張儀樓今年灌口損戶口此事或恐為神羞終藉隄防出衆力高擁木石當清秋先王作法皆正道詭怪何得參人謀嗟爾三犀不經濟缺訛只與長川逝但見元氣常調和自免洪濤恣凋瘵安得壯士提天綱再平水土犀奔

范

杜鵑行

君不見昔日蜀天子化作杜鵑似老烏寄巢生子不自由
啄羣鳥至今與哺雛雖同君臣有舊禮骨肉滿眼身羈
孤業工竄伏深樹裏四月五月偏號呼其聲哀痛口流
血所訴何事常區區爾豈摧殘始發憤羞帶羽翮傷形
愚蒼天變化誰料得萬事反覆何所無萬事反覆何所
無豈憶當殿羣臣趨

題壁畫馬歌

韋侯別我有所適知我憐君畫無敵戲拈毫筆掃驛驅
歛見駢駢出東壁一匹訖草一匹嘶坐看千里當霜蹄
時危安得真致此與人同生亦同死

戲題畫山水圖歌

十日畫一水五日畫一石能事不受相促迫王宰始肯
留真跡壯哉崑崙方壺圖挂君高堂之素壁巴陵洞庭
日本東赤岸水與銀河通中有雲氣隨飛龍舟人漁子
入浦漱山木盡亞洪濤風尤工遠勢古莫比咫尺應須

論萬里焉得并州快剪刀剪取吳松半江水

題李尊師松樹障子歌

老夫清晨梳白頭玄都道士來相訪握手呼兒延入戶
手提新畫青松障障子松林靜杳冥憑軒忽若無丹青
陰崖却承霜雪幹偃蓋反走虬龍形老夫平生好奇古
對此興興精靈聚已知仙客意相親更覺良工心獨苦
松下丈人巾屨同偶坐似是商山翁悵望聊歌紫芝曲
時危慘澹來悲風

戲爲雙松圖歌

天下幾人畫古松畢宏已老韋偃少絕筆長風起纖末
滿堂動色嗟神妙兩株慘裂苔蘚皮屈鐵交錯迴高枝
白摧朽骨龍虎死黑入太陰雷雨垂松根胡僧憩寂寞
龐眉皓首無住著偏袒右肩露雙脚葉裏松子僧前落
韋侯韋侯數相見我有一疋好東絹重之不減錦繡段
已令拂拭光凌亂請公放筆爲直幹

投簡成華兩縣諸子

金華山人集
卷二十八
赤縣官曹擁材傑軟裘快馬當冰雪長安苦寒誰獨悲
杜陵野老骨欲折南山豆苗早荒穢青門瓜地新凍裂
鄉里兒童項領成朝廷故舊禮數絕自然棄擲與時異
况乃疎頑臨事拙饑卧動即向一旬弊裘何啻聯百結
君不見空牆日色晚此老無聲淚垂血

百憂集行

憶年十五心尚孩健如黃犢走復來庭前八月梨棗熟
一日上樹能千迴即今倏忽已五十坐卧只多少行立

強將笑語供主人悲見生涯百憂集入門依舊四壁空

老妻覩我顏色同癡兒未知父子禮叫怒索飯啼門東

漫叟詩話庖厨之門
在東故曰啼門東

戲作花卿歌

成都猛將有花卿學語小兒知姓名用如快鶻風火生
見賊唯多身始輕綿州副使著柘黃我卿掃除即日平
子章觸體血糲糊手提擲還崔大夫李侯重有此節度
人道我卿絕世無旣稱絕世無天子何不喚取守京都

入奏行

竇侍御驥之子鳳之雛年未三十忠義俱骨鯁絕代無
炯如一段清冰出萬壑置在迎風寒露之玉壺蔗漿歸
厨金盃凍洗滌煩熱足以寧君軀政用疎通合典則戚
聯豪貴耽文儒兵革未息人未蘇天子亦念西南隅吐
蕃憑陵氣頗麤竇氏檢察應時須運糧繩橋壯士喜斬
木火井窮猿呼八州刺史思一戰三城守邊却可圖此
行入奏計未小密奉聖旨恩宜殊繡衣春當霄漢立綵

服日向庭幃趨省郎京尹必俯拾江花未落還成都江
花未落還成都肯訪浣花老翁無為君酤酒滿眼酤與
奴白飯馬青芻

柟樹為風雨所拔歎

倚江柟樹草堂前故老相傳二百年誅茅卜居總為此
五月髡鬚聞寒蟬東南飄風動地至江翻石走流雲氣
幹排雷雨猶力爭根斷泉源豈天意滄波老樹性所愛
浦上童童一青蓋野客頻留懼雪霜行人不過聽竽籟

虎倒龍顛委榛棘淚痕血點垂胸臆我有新詩何處吟
草堂自此無顏色

茅屋為秋風所破歌

八月秋高風怒號卷我屋上三重茅茅飛度江灑江郊
高者掛罥長林梢下者飄轉沉塘坳南村羣童欺我老
無力忍能對面為盜賊公然抱茅入竹去脣焦口燥呼
不得歸來倚杖自嘆息俄頃風定雲墨色秋天漠漠向
昏黑布衾多年冷似鐵驕兒惡卧踏裏裂床床屋漏無

乾處雨脚如麻未斷絕自經喪亂少睡眠長夜沾濕何
由徹安得廣廈千萬間大庇天下寒士俱歡顏風雨不
動安如山嗚呼何時眼前突兀見此屋吾廬獨破受凍
死亦足

天邊行

天邊老人歸未得日暮東臨大江哭隴右河源不種田
胡騎羌兵入巴蜀洪濤澑天風拔木前飛禿鷺後鴻鵠
九度附書向洛陽十年骨肉無消息

大麥行

大麥乾枯小麥黃。婦女行泣夫走藏。
東至集壁西梁洋。問誰腰鑣胡與羌。
豈無蜀兵三千人。部領辛苦江山長。
安得如鳥有羽翅。託身白雲還故鄉。

觀打魚歌

綿州江水之東津。飭魚鱗鱗色勝銀。
漁人漾舟沈大網。截江一擁數百鱗。
衆魚常才盡。却棄赤鯉騰出如有神。
潛龍無聲老蛟怒。迴風颯颯吹沙塵。
鬚子左右揮霜刀。

鱠飛金盤白雪高徐州禿尾不足憶漢陰槎頭遠遁逃
鮒魚肥美知第一既飽歡娛亦蕭瑟君不見朝來割素
髻尺尺波濤永相失

又觀打魚

蒼江漁子清晨集設網提綱萬魚急能者操舟疾若風
撐突波濤挺义入小魚脫漏不可紀半死半生猶戢戢
大魚傷損皆垂頭屈強泥沙有時立東津觀魚已再來
主人罷鱠還傾盆日暮蛟龍改窟穴山根鱣鮪隨雲雷

干戈兵革鬪未止鳳凰麒麟安在哉吾徒胡為縱此樂
暴殄天物聖所哀

越王樓歌

綿州州府何磊落顯慶年中越王作孤城西北起高樓
碧瓦朱甍照城郭樓下長江百丈清山頭落日半輪明
君王舊跡今人賞轉見千秋萬古情

相從歌贈嚴二別駕

我行入東川十步一迴首成都亂罷氣蕭颯浣花草堂

亦何有梓中豪傑大者誰本州從事知名久把臂開樽
飲我酒酒酣擊劒蛟龍吼烏帽拂塵青螺粟紫衣將炎
絳衣走銅盤燒蠟光吐日夜如何其初促膝黃昏始扣
主人門誰謂俄頃膠在漆萬事盡付形骸外百年未見
歡娛畢神傾意豁真佳士久客多憂今愈疾高視乾坤
又可愁一軀交態同悠悠垂老遇君未恨晚似君須向
古人求

光祿坂行

山行落日下絕壁西望千山萬山赤樹枝有鳥亂鳴時
暝色無人獨歸客馬驚不憂深谷墜草動只怕長弓射
安得更似開元中道路即今多擁隔

御定全唐詩錄卷二十七